



Tusagassiorfinnut nalunaarut Pressemeddelelse

7. december 2009

Ukioq manna atuaqatigiit pujortartuunngitsut toqqarneqarput

Postboks 1160
3900 Nuuk
Oq/tel +299 34 50 00
Fax +299 32 45 47
paarisa@gh.gl
www.nanoq.gl
www.paarisa.gl

PAARISA-p atuaqatigiit pujortartuunngitsuni unammitsitsinerani Tasiilap Atuarfianeersut 5. x-mi atuartut ajugaapput.

Atuaqatigiit pujortartuunngitsutut taaguutip toqqagaassutiginerata saniatigut akisarsiarivaat 30.000 kruunit.

Atuaqatigiit 5. – 7. klassit tamarmik unammitsitsinermi peqataasinnaasimapput.

Unammisunut piumasaqaataasut ukuusimapput:

- Atuaqatigiit akornanni pujortartoqarsimappat, taakku pujortartartut unammitsitsinerup naammassinerani tamarmik pujortartarunnaarsimassapput.
- Pujortarunnaarsitsiniarlutik suliai nalunaarusiorneqassapput. Nalunaarusiornikkut allaaserineqassaaq qanoq iliorluni pujortarunnaarsitsiniaaneq ingerlanneqarnersoq.
- Pujortarunnaarsinneqartut uppernarsaassapput ilumut pujortarunnaarsimallutik. Taamaliorsinnaapput naatsumik pujortarunnaarnertik uppernarsarlugu allallutik imaluunniit assilitillutik atsiorlutillu imaluunniit naatsumik videomut immiutsillutik.

Tasiilap Alivarpiani 5. x-mi atuaqatigiit ajugaanerannut ukua tunngavilersuutigineqarput:

Atuaqatigiit pujortartartuunngillat, sulissuteqarsimapput pujortartartuunerup silarsuaata aammalu ulorianartortai misissuiffigisimavaat, aammali illoqarfimmi pujortartarunnaarniartunut ikiuinissaminnut iliuuserineqarsinnaasunik misissuisimallutik.

Atuaqatigiit ersarissumik allallugaasumillu nalunaarusiorluarsimapput, imarisaa tigussaasumik iluserissumillu suliniutigisimasaminnik tigussaasumik ersersitsisuu-

voq. Pujortarunnaarsitsiniarlutik suliniutigisimasaat avammut sammisuuvoq siama-
sissumillu atuaqatigiit iluminni ataqatigiissaarisimapput, ersaripporlu atuaqatigiit
akornanni suliassanik agguasseqatigiittoqarsimasoq. Nalunaarusiami suliniutilere-
riaatsimi aqutsineq ingerlatsinerlu malunnarluartumik periuitsitut atorsimavaat,
atuarfimmilu akimorlugu ilinniartitsinermi inuiaqatigiilerineq, assassorneq inuttullu
ineriartorneq akuutilluarneqarsimallutik.

Atuaqatigiit piareersarluarnermikku atuarfimmi avatangiisitik peqataatilluarsima-
vaat, suliffeqarfiit, innuttaasut, angajoqqaat qatanngutillu peqataatinneqarluarsimal-
lutik.

Ukioq manna klassit arfinillit unammisitsinermi piumasaqaataasut naammassisima-
vaat. Klassit 14-it unammeqataaniarlutik nalunaarsimagaluarput, klassilli arfiniliin-
naat suliniutitik pillugit nalunaarusiaminnik nassitsisimallutik.

PAARISA upernaaru 2010-imi "Atuaqatigiit Pujortartanngitsut" pillugit unammisit-
seqqissaaq meeqqat atuarfiini atuartunut akullernut.

Annertunerusumik paasissutissanik piniartoqarsinaavoq ukununga:

PAARISA, siunnersorti Sofie Jessen oqaras. 48 32 46 imaluunniit soj@gh.gj

Tasiilap Alivparia, ilinniartitsisoq Gitte Gelsted oqaras. 98 12 72 imaluunniit butgaard@hotmail.com